

SKRIFTLIKE FRAGEN, eks kêst 42 Reglemint fan Oarder

Rjochte DS/lid DS	Deputearre D. Hoogland
Ynliedende taljochting	<p>It Regionaal Wetterprogramma, behannele op 22 juni 2022, jout yn tabel 8.2-3 oan dat “Afspraken over onderhoud aan de vaarwegen worden vastgelegd (bakbeheer en oevers)”, en dat dit yn gearwurking mei WF en de gemeenten dien wurde sil yn 2022 en 2023.</p> <p>By de banneling fan it Wetterprogramma op 22 juni 2022 ha wy in moasje besprutsen wêryn we fregen om ek it bedriuwslibben te belûken by de oanpak fan it slykprobleem yn de farwegen fan ús moaie provinsje.</p> <p>De moasje ha wy ynlutsen neidat de deputearre tasein hat “yn de breedte fan it fjild” belutsenen te belûken by it meitsjen fan dizze ôfspraken.</p> <p>We stean oan it begjin fan in nij farseizoen, wêryn we ús gasten op it wetter ek wolkom hjitte. Wetter komt soms mei bakken del en it gemaal by Lemmer moat faaks byspringe. Streaming troch de kanalen nimt ta en dermei de oerlêst fan it slyk op plakken wêr't delbêdzje kin.</p> <p>Troch bemealling en streaming – mei troch de gemalen bij Lemmer en Staveren - slibje de rekreative en beropshavens ticht en wurde minder goed berikber.</p> <p>Yn de bydrage op 22 juni 2022 ha wy oandacht frege om yn de gesprekken ek omtinken te jaan oan nije foarmen fan duorsum bakbehear. In foarm derfan is it meitsjen fan ôffangbakken yn de geulen wêr't slyk dan fersammele wurdt.</p>
Fraach / fragen	<ol style="list-style-type: none"> 1. Wat is de stân fan saken as it giet om de gesprekken mei de belutsenen yn it fjild en as it giet om it bakbehear yn de kanalen? 2. Is der sprake fan ekstra ynset op it ôffangen fan slyk troch ferdjippe dielen yn de geulen? En wat binne oant na te ûnderfiningen mei dizze metoade? 3. Op hokker wize wurdt mei haveneigners nei oplossingen socht om it slyk, wat út de kanalen yn harren havens delbêdet, fuort te heljen en te bergen? En wat bin dan de oplossingsmooglikheden? 4. Wurdt by de monitoaring fan de djippte fan de farwegen ek rekken hâlden mei de djipten yn de havens?

	5. Is der – fanút it ekonomysk perspektyf – ek gearwurking mei de útfierders fan it gastfrijensprogramma om yn ús provinsje de ynfrastruktuer fan de Fryske Marren op in goed peil te hâlden? Op hokker wize wurdt der dan gearwurke tusken behear en de ôfdieling gastfrijens?
--	---

Yntsjinner	ChristenUnie, Lieuwe van der Pol
------------	----------------------------------

Datum	25 januari 2023
-------	-----------------

MOASJE (YNLUTSEN)

Yn te foljen troch de griffier

Yntsjinner: Lieuwe van der Pol, ChristenUnie
Mei-yntsjinner(s): Bea Bijlsma, D66

Moasje nr.	
Paraaf	
Wurklistpunt	
Beslút	

MOASJE, eks kêst 31 Reglemint fan oarder

Steategearkomste	22 juny 2022
Wurklistpunt	08 Regionaal Wetterprogramma
Koarte titel fan de moasje	Tûk en duorsum bakbehaer provinsjale farwegen

De Steaten, yn gearkomste byien op 22 juny 2022 heard hawwende de rieplaching;

konstatearjende dat:

- It Regionaal Wetterprogramma yn tabel 8.2-3 oanjout dat “Afspraken over onderhoud aan de vaarwegen worden vastgelegd (bakbeheer en oevers)”;
- Dat dit yn gearwurking mei Wetterskip Fryslân en de gemeenten dien wurde sil yn 2022 en 2023;
- It marrenprojekt in grutte ekonomyske impuls wie foar it toerisme yn Fryslân;
- Mei alle keunstwurken ek nije fernauwings yn de farwegen realisearre binne, wêr ‘t sliik har ophoopje kin;
- Dat mei de oankundige ferleging fan it ûnderhâldsnivo fan wegen en farwegen (sjoch foarnommen beslút ZBB) der minder jild beskikber komt wylst dit slykprobleem tanimt;
- De Fryske marren en wetters ‘it blauwe goud fan Fryslân’ is;
- It ûnderhâld fan de farwegen in kearntaak fan de provinsje is;
- Troch bemealling en streaming – mei troch de gemalen bij Lemmer en Staveren - de rekreative en beropshavens tichtslibje en minder goed berikber wurde.

oerwaagjend dat:

- Troch klimaatferoaring der mear reinwetter fia kanalen ferwurke wurde moat;
- Ek de yntinsiteit fan de buien tanimt en dêrmei de streaming faaks sterker is;
- Dertroch der meer verpleatsing fan slyk plak fynt;
- Dit tanimmende slykprobleem sawol ekonomyske effekten hat as effekten op in “gastfrij Fryslân”;
- Dat it graven fan ekstra djippe dielen op inkele plakken yn de fargeulen – slykopfangbakken – in konsintrearjende en remjende wurking ha kin op it ferpleatsen fan slib;
- It wichtich liket de wurking fan dizze foarm fan slykopfang neier te ûndersykjen;
- Der mooglik ek oare kânsen lizze foar skjin wetterbehear, dy’t yn dit ûndersyk meinommen wurde kinne.

Fersiket it kolleezje fan Deputearre Steaten:

- It slykprobleem yn it fargebiet fan Fryslân te ûndersykjen om te kommen ta in duorsume oplossing nei de takomst;
- Dit probleem ek te belûken by it meitsjen fan ôfspraken oer it regulier ûnderhâld mei treden sa as yn tabel tabel 8.2-3 oanjûn wurdt;
- Ek by it meitsjen fan ôfspraken de bedriuwen te belûken dy't direkt ôfhinklik binne fan it op djippe hâlden fan ús "blauwe goud".

en gear oer ta de oarder fan de dei

Yntsjinner(s)

ChristenUnie, Lieuwe van der Pol
D66, Bea Bijlsma